



PAMFLET

206











25

folio — 13

Een cort verhael  
**Van de strenghe beleghe-**  
 ringhe ende afreck der Spangiaerden van de  
 Stadt Almaer ghelegghen in  
Hollandt/

Die welcke de Spaengiaerts nae dat spse int Jaer  
 M. D. LXXXII. seuen weecken lanck belegghert hadden niet  
 sonder haer groote schade ende schande hebben moe-  
 ten nalaten wt het Latyn int Duytsch  
 ouergeset.



Psalm. 124. ende 17.  
 Zoo de Heere de Stadt niet en bewaert / soo waken de Wachters te ver-  
 geefs. Ghelooft sy de Heere dat hy ons niet en gaf tot eenen roof van  
 onsen vianden. Onse siele is ontcomen als een voghel des vogel-  
 vangers / het strick is gescheurt ende wy zijn by onse  
 hulpe zy voort in den name des Heeren  
 die hemel ende aerde ge-  
 maect heeft.

Ghedruet tot Delft by Aelbert Hendricks/  
 M. D. LXXXII.

Ende men vintse te coopen tot Almaer by Cornelis Jacobsz/  
 inde Houtil straet / inden David.

206

49



Product of Bell by Albert Einstein



# **Een royt verhael vant beleggh van Alcmær**

by de Spaengiaers int Jaer 1573. strengelich belegert/  
ende met schande en schade der seluer  
naeghelaten.



**N**ae dat die van Haerlem een ende dertich  
weken lanch belegert hadden gheweest/ende geduyren-  
de tselfde hun seer mannelich ende vromelich ghequeten  
hadden/ende alsdoen ten laesten op den dertiensten Julij  
door gebreck van cozen ende bycants wt gehongert zyn-  
de/hun in den handen der Spangiaerden opghegheuen  
hadden op ghenade en onghenade (alhoewel sy tselfde gaeren gheuordert  
hadden behoudens lijf ende goet/twelck te vergheefs versocht was) ende  
alsoo die Spaengiaers op den vierden dach daer na/als den sestienden Julij  
met twee duysent ende vyfshondert voetknechten ende vier benden ruy-  
ters vooz Alcmær ghecoemen waren / soo lieten sy haer duncken als ofte  
dat sy die stadt onuerhoets ghemeint hadden inne te nemen / ofte nauwer  
besetten wilden. Waeromme dan seer veel van den burghers door alsul-  
ke schichtighe vaerlichheyt ende verslaghentheyt van harten versaecht wt-  
geuallen zynde/nae dat sy elot vande boom opgebroken hadden/ zynst also  
tscheep ontcomen. Maer als des Prins van Oranges crichsuolck/twelck  
daer van Egmont op den Hoeye ende van Heyloe seer wel te pas ontrent  
den stadt ghecoemen was/den toeganch te vozen inghenomen hadden/en  
nae dat sy de grendels ende slootē vande poorten afgebroken hadden/ hun  
selfs inde stadt gheholpen hadden/soo zyn die Spangiaerden buyten haer  
meyninghe van de stadt wederom afgheweecten. Het stonde al doen ter  
tijt met die van Alcmær seer crap en hacchelich/ niet wetende ofte syt ghe-  
uen oft houden souden. Want die Papisten/die daer op hope van perdoen  
(gelijck tselfde veel van den onsen vermoeden)den Spangiaerts ontboden  
hadden/al hoe wel sy dat heymelick ende bedectelick bestelt hadden/deden  
als nu opentlick haer vterste best/om den viant binnen der stadt te helpen.  
Hier en teghen donse stonden daer op aen / op dat des Princes crichsuolck  
als vooz een garnisoen binnen stadt gheleyt soude worden / om de stadt te  
beschermen/twelck alst te laesten binnen stadt ghecomen was/als wy ver-  
haelt hebben/al schermutserende heeftet de Spangiaers vande stadt we-  
derom afgedreuen/en sommige rotten der vianden(soomen seyt)geslagen.  
Die stadt Alcmær en bleef doen ter tijt niet lang beset. Want die Span-  
giaerts die daer gecomen waren om de stadt in te nemen/ nae dat sy opten  
royt. Julij haer Tegher te Heyloe opghebroken hadden / zyn seer schichte-  
lick wederom nae Haerlem opgetrocken by den anderen Regimenten.

Al ij.

Rae.



Ma dat alsdan die stad van Alcmare door Godes genade den eersten aens-  
 nach der Spangiaerden ontfaen hadde/so heeft onsen Raedt voorz best ge-  
 acht/als dat de stad met cozen wel versien soude werden. Ende alhoewel  
 tselfde door den doorluchtichste Prins van Orangien wel ernstelicken ont-  
 boden was aen den anderē geconsedereerde Waterlantische steden/als dat  
 sy de stad van Alcmare als een fortesse van tgeheele Noorzhollant met  
 victualie en buspoer intijts versien souden/nochtans die Raet van Alcmare  
 heeft seer qualicken conuen verweruen door haer Burgermeesterē in die  
 gemeene vergaderinge binnen Noorze/als dat die Gedeputeerde represen-  
 rende den Staten van Noorzhollant daer voorz seggen souden om cozen en  
 mont voorz ons helpē te coopen voorz den tijt van een maent oft twee. Daer  
 beneuen op dat wy van stonden aen geen victualie gebreck souden hebbē/  
 soo hadde onse Guecheyt eenen pegelicken burgher nae zijnder qualite op  
 seecker rogh geset/en hebben ooc selfs goede prouisie gedaen van buscrup-  
 voorz so veel als sy condēn becomen. Ma dat also dan redelijcker wijsē enige  
 prouisie van cozen gedaen was/so wachten die burgers voort aen by Noor-  
 misscappen seer dapperlickē an tniue werck van des stadts forificatie/  
 tweleke door tbeuel des Prins van Orangien nae woornemen des voorz-  
 naemsten mans Carel van Hoisot wel begonnen/allenstiens oock seer wel  
 volmaect werde. Ende door tbeuel vanden seer vroomen ende eedelen Ja-  
 cob Cabbeliau als ouerste van al tgarnisoen binnen de stad/soo was daer  
 op den achtienden Augusti by de Driessche poort int Noorde/al waermen  
 na Noorzen reist/een nieu bolwerck begost gemaect te werden vande huys-  
 huyden/die tselfde werck aengenomen hadden te volmaecken. Tselfde voorz-  
 waer was op sulcker conditie besteedt/als dat daennemer van twerck tself-  
 de geheel opleueren soude binnen den tijt van drie weecken. Maer als tself-  
 de nauwelicks begonnen was/is die viant daer ouer wederom aen gheco-  
 men/want den eenentwintichsten der selfder maent hebbē die Spangiaers  
 de stad van Alcmare wederom begonnen te besetten met seeckere bendē  
 ruyters ouer de nieuwe sloot/ende oock veel voetvolcks so inde Nieuwpoort  
 als tOudorp als die naeste gelegen dorpen/die met een Waert van malcan-  
 der gescheiden laegen. Ende voorz teerste voorwaer hebbē sy ingenomen  
 die twee Rinhuysen die buyten de stat Oostwaert op an den vterste boom  
 aen den Waert stonden/op dat sy doorz sodanige middel den Waert inghen-  
 men hebbende/ons so wel te water als te lande de passage besetten souden.  
 Maer die burgers met somnige soldaten hebben op den selfden dach het  
 een huys met de twee rinmolens aen brant gesteken/maer tander huys en  
 hebben sy niet conuen verbranden/nochte den viant ontweldigen. Also dan  
 snachts daer an hebben die Spangiaers een schip gesonckē voorz die vterste  
 boom. Op der selfder stonde so zyn onse soldaten/die op Ton aen die Scer-  
 mer lagen om den Waert te bewaren/van selfs wt haer schans verlopen.

Ru



so hadde die vlandē den vaert genoegh in haer gewelt/ en den onsen en was niet opens om te ontcomē so sy eenich sijn wilden/ maer ooc alle gelegent- heyt was ons beset/ en ontnomen/ om eenige prouandē in te krijgen/ want op dat een wech open bliuen soude/ om ontfet vanden onsen in te moghen krijgen/ so sijn die burgers met die ruyters die binnen tstadt waren ter self- der stonde an de Noort syde wt de driesche poort wtgevallē en al schermutse- rende poochdē die Spangiaerts te verdrūē vandē wech die vande stad na Guropp gaet/ maer die viant om dat hy van crichsvolk veel stercker was als wy/ onse ruyters die niet dan vūstich man sterc waren/ heeft hy ten laet- sten wederom in de stadt gedreuen en den wech en toeganch also beset/ inde schermutselinge is onse stotmeester geschotē met twee halue buscloten/ vā de welcke dene helft in voozhoofst lach en ander helft binnen in zijnen hoet/ die ooc weynich tijts daer na van dier wont gestouen is/ en een Francoyx van Mōpelier gebozē na dē hy sijn buspoeder geduerēde niet weynich sca- de de vyant gedaē hadde/ is duergeschoten geweest/ maer weder gebetert.

Maer op den drientwintichsten Augusti/ op dat die onse in eenigher maniere den vaert soude wederom incrygen/ bestonden weer aen met twee toegemaecte schuyten den vrant te helpen int ouergebleuen huys/ twelck huys aen die boom op de wtuaert te watre lach/ die Surghers met een vande Burgemeesters met sommighe soldaten waren tfscheep gegaen/ om den vyant tfscheep te beuechten/ dandere voozwaer waeren by die soutke- ten ouergeset/ om te lant te schermutseren/ maer als die Spangiaerts som- mige schutten wt de Nieuwepoort na de stadt ghesonden hadden/ die daer aende Suyt syde op die Gaeft eenderley behau maectē recht oft sy quamen om de stadt te bestormen/ so haest als die onsen hoorden dat die kloc alarm floech/ hebben hun wederom van die schermutseling na de stadt begeuen/ weynich burgers ende knechten verlozen ende gequetst hebbende/ ende al- so is al dat werck te vergeefs geweest. Daechs daer aen hebben die Span- giaerden sommige van dē huerten aen die stadts mueren gesondē om te be- geren/ dat de onse op goet gelijc met haer souden comen parlementeren/ na dat tselfde aen den ouersten Cabbeliau gebrocht was/ ende den raedt daer op heroeven zijnde/ so isser tusschen hen en de hopluyden met den Burge- meesters en ouersten des stadts onder malcanderē een verdrach gemaect/ als dat si metten vyant geen contract soudē maecken/ ia niet eens met hem parlementeren ofte spreken souden/ en also ist tselfde den Spangiaerts ont- boden/ no so wast toorloch eerst aengebonden/ want van dier tijt aen so als die vyant bemerkte als dat den sijnē niet eens vry gelaten was om te pa- lamenterē/ heeft hy met een sluc grof geschuts inde stat begonnen te schie- ten/ twelck recht ouer de galge gestelt was/ maer anders niet sonderlings wtgerecht dan daerē ettelūckē huysen rampancerdē/ want die onse waren macht en dach besich/ om die wallen te maecken ende te stercken.



Vande Belegeringhe

Hier en bouen den xxi. Augusti tsmorghens inden dageraet/ so hebben die Spangiaerts alarm gheslaeghen/voor die Kermer poort/ende sy lieten hen duncken als of sy den stadt bestormen wilden/maer men heeft int eynde ghesien / als dattet niet dan een loos alarm gheweest sy. Op den selfden dach is vanden Spangiaerden die Hopman Steenbach / soemen meynt/ heen na den stadt gesonden/als een heerout met een Trompetlager/ende als hy aen die noorder poort / diemen noemt die Vriesche poort / wat nader gecomen was/so heeft hy den onsen gevraecht/ die aende mueren stonden/ oft het hen geoorloft waer/aldaer een weynich vry te staen/na dat die onsen vande wal hen vry toe wenchten/ so heeft hy begeert met de ouersten Tabbeliau ofte met een vande Burgemeesters te spreken. Maer dewyle tselfde tot den ouersten ghebootschapt wert/van een ghemeen Soldaer bekent zijnde/is gheboden terstont vande stadt af te wijcken. Ende na dat hy een weynichken achterwaerts gegaen was / so hebben die schiltwachten met buscloten nae zijn gat gheschoten / hen narodepende als dat hy een verrader was/als om datmen seyt / dat door zijn schelmerij die stadt van Haerlem ouerghelueert was inden vyants handen / maer hy met een bloot sweert donsen ontseyt hebbende/ heeft hen terstont wech ghepacht. Een weynichtits daer na so is een van Steenbachs crysvolck als wt den ghevanckenisse tot ons inde Stadt comen swemmen / claghende ouer die onmenschelijcke wreetheyt der Spangiaerts / dese gevraecht zijnde/hoe veel volck dat die viant voor de stadt hadde / heeft hy gheantwoort/als dat die vyanden ouer die dertich duyseint starch waren/die den stadt belegert hadden: Twelcken so niet waer scheen te zijn/so en heestmen zijn woorden niet ghe-looft/daerom so is hy in bewaerder hant ghestelt / als een die daer verraeet inden sin hadde/als die daer ghewilt hadde den Burghers sonder oorsaeck verstaegen te maecken.

Op den 28. Augusti/na dat nu in twee dagen niet sonderlings gheschiet en was/te half eender vren int midden van die nacht/scheent dat die Spangiaerts naeder aen quamen trecken om den Stadt te bestormen/ twelcken sy om dier oorsaecke/so men meynt/deden/op dat sy bet vernemen souden/ oft oock die Burghers eenighe moet hadden om den Stadt te behouden. Men hoorde rontom den Stadt anders niet dan die buffen los gaen / in des vyants leggher hoorde men alarm slaen / maer als die Soldaten ende Burghers wackerlicken waren aen comen loopen om den Stadt te behouden/ende onversaecht aen die stads mueren stal hielden / so zijn die vyanden allenstiens wederom afgheweken/ Op dese selfden dach ontrent te ses vren voor middach / is niet sonder groote droeffenisse der gantscher ghemeynte in den heere ontslapen/den seer treffelijcken ende oprechten Man Jantrentzoon/dienaer des woordes van die van Almaer/ijn medeburgher ende seer gheliefde Broeder inden heere/die de aldereerste in Hollandt een Christe.



een Christelijcke gemeente versamelt ende opgerecht heeft/ een man voor-  
waer in gheleertheit gans onderuaren/ noch in die vrije consten/ somen die  
noempt/ gheoeffent/ niet te min nochtans om de treffelijckheit zijns wesens/  
en zijn ghewichtige redenen ende woorden eenvelijck te prisen. Int eynde  
zijns leuens/ soo alser alarm ghehoort werde/ met gevouden handen heeft  
hy met zijn huysghesin Godt ghebeden/ dat hy zijn vaderliche Stadt van  
Alckmaer niet ouerleuren en wilde/ om van den viant gheplondert ende  
verdestruert te worden. Maer licuer hem aldaer wil behouden eenighe  
hutte voor den gheloouighen ende vromen. Snachts daer aen/ soo hebben  
die Spangiaerts een schans opgheworpen recht voor die Drielsche Poort/  
van waer sy des Stadts mueren beter beschieten mochten/ maer die onsen  
en hebben hun niet ghestadich schieten niet moeghen verhinderen van  
te begonnen werck te volbrueghen. Nochtans smiddaechs te twaelf vren/  
donsen onversiens een wtval doende/ hebben den Spangiaerts wt dien  
schans ghedreuen. Maer die selfde haer macht wederom by een vergaert  
hebbende/ ende met meerder macht van voet volck hebben den schans ter-  
stont wederom inghenomen/ dons en op de vlucht ghedreuen zijnde. Don-  
sen hebben inde vlucht wt die schanse een vaetken boscrupt met sommi-  
ghe Spaensche stormhoeden Mantels ende kappieren met haer als buyt  
binnen Stadt ghebrocht.

Opton eersten dach van September/ soo isser een van onsen boden we-  
derom in die Stadt ghecomen/ nae dat danderen al achter ghebleuen wa-  
ren/ waerom die Burgheers seer blijdt ende verhuecht zijn gheweest/ want  
die brieuen die hy brocht vanden seer heerlichen ende seer minnelijckē man  
Joncker Diederich Sonoy/ Souuernuer van Noort Holland ende vanden  
staten aenden Raedt van Alckmaer/ waren vol blijde tijdingen. Want voor  
teerste in zijn voorreden verhalende hoe droeffelijckē het hem sy die sware  
belegeringe onses stadts/ so schrijft hy ooc terstont daer aen/ so haest als hy  
daer af ghehoort heeft/ dat hy gants alle neersticheydt ghedaen heeft/ om  
tonser onderstant noch een vaendel knechten in te schicken/ maer dat alle  
die moeyten te vergeefs zijn geweest/ om dat die knechten die op Ton aen  
die Schermer laghen/ wt den schans al verlopen waeren/ nochtans dat  
hy niet naelaten en soude/ Iae zijn lijf ende leuen daer toe opsetten/ om al-  
le hulp ende ontfettinghe onse stadts te doen/ so veel alst moghelijck sy/ ende  
als dat hy ooc al aen den Prins van Orangien geschreuen hadde om hulp/  
niet twijfelēde/ ofte dons en daer en tusschen/ dewijl sy gheduldelijck ontfet-  
terwachtende waren/ vromelijck ende moetic der vyanden ghewelt af-  
keeren sullen/ daer beneuen oock dat onse ouericheyt begheert hadde/ als  
dat die Zedijck hy Medenblich deurghesteken soude worden/ als dat hy  
daer of met den staten van Noort Holland ghesproken hebbende/ nu alreede  
die sluyfen ende verlaeten van die Meeren ende braken al geopent hadde/



Maer dat hy oock den Zeedijck / soot die noot eyschte / doorstreecken soude.  
Maer dat d'onsen geschreuen hadden / datter vierentwintich stucken grof  
gheschuts voozde stadt van den vyant ghebrocht waren / dat hy dat door  
den verspieters niet conde vernemen / dat hy nochtans niet te min wel  
bekende die swaricheden ende benautheden van onser stadt / die so swaerlic-  
ken beset was / welcken soo haest als hy wel soude willen niet remedieren  
en conste / hem van herten seer leet was / dat hy nochtans so hy best conde  
oft mochte doen soude / so haest alst mogelick is / als dat ons eenich ontfet  
ghedaen worde / so luyde t'Inhout van dien. Inghelick mede die Staten te  
vooren wat verhaelende van eenich buscruyt dat sy daghelicks verwach-  
tende waren / beloofden seer breecht / dat zijt ouersynden souden / soo haest  
als zijt souden ghecreghen hebben / ende datse niet te min haer wterste best  
doen souden / om ons te water ende te lande te ontfetten : Ende datse ons  
daer beneuen bidden / dat die Burgers moet willen nemen / ende haer vrom-  
melick houden willen / ende dat so veel te meer / om dat Graef Lodewijck  
coztelick aen Phillipus vander N. gheschreuen hadde waer mede hy ont-  
biedt / dat d'Hollanders goets moets willē zyn / nochte daerom niet verla-  
ghen van herten zyn / om dat Haerlem vande vyant inghenomen sy / maer  
lieuer op die gerechticheyt haerder saecks vertrouwende / haer marmelick  
ende vromelick houden / om haers vaderlants vryheyt voozte staen / seeco-  
kerlick hopende en vertrouwende / als datse haest eenmael van dese gant-  
sche slauerij ontfest sullen worden. Sommighe cornuten hadden in haer-  
en brieuen aen sommighen in de stadt mede vooz nieuwe tijdinghen daer  
by verdracht als dat Christoffel des Palsgraefs sone nu op de cust van Geb-  
derlant ghecomen was tonser ontfet met twee duysent suyters ende vijf  
duysent voetknechten / ende dat Graef Lodewijck met dander cruyt na  
quam / datmen oock daghelicks verwachten veel haeschutten / den wel-  
ken die Prins van Orangien ons tot Suyt Hollant ouer seyndende was /  
tonser ontfet. Also dan die van Alcaer (die vande Spangiaers als in een  
cauwe rontom ghesloten waren / niet om ghemeest te worden / maer lieuer  
om verhonghert te worden) zyn ten laetsten den twaelfden dach van haer  
belegheringhe van herten verblift gheweest / door dat een van haer wtghe-  
sonden boden weder binnen stadt ghecomen waer / ende bouen hope soo  
goede tijdinghe inbrochte / die oock van die schiltwachten der vyanden die  
alle weghen seer nau beset hadden / van alle canten beset zijnde / is haer nae  
Stadts vesten ontloopen ende dat / soo ick meyn / niet sonder wonderlijcke  
voozkenicheyt ende goedertierenheyt des almogenden Gods.

Die Spangiaerden niet te min en hielden niet op te vorderen tghen  
dat sy begost hadden / want den derden September by naest inde inganch  
van de Wriesche poort hebben die vyanden een schans opgeworpen / ende  
dat om dier oorsaeck / so sommige meynen / datse onse stadt ondergrauen  
ende aldaer



ende aldaer een hoop buscruyt onderstroyt hebbende/ onsen Goltwerck van een souden laten springhen / maer sommighe meynden als dat sy van daer den stadt met grof geschut beschieten souden: Ende daerom opten rechten middach waeren donsen wtghevallen met sommighe pioniers / om dien Schanse der vyanden te slechten / maer doort ghewelt der Spangiaerden zynse weder in Stadt ghedreuen/sonder yets wat wtgherecht te hebben.

Daeromme daechs daer aen soo hebben donsen inden stede ontrent den Vrijschen poort een Fortresse begonst te maecten / vier huysen die daer ontrent stonden ofbreckende/ op dat soo die Spangiaerts den Vrijschen poort souden mogheliick inghenomen hebben/ donsen van daer wederom den vyant bequamelicke afweren mochten / dat hy met den zynen strack daer aen niet den ghehelen stadt ouervallen soude/ dit werck is ghemaect op die maniere van een halue maen / maer soo als inden stadt dagheliicks meerder swaricheden opresen/ diemen so lichteliick niet remedieren en konden / soo zyn vanden vroetschap den Burghemeesters byghevoecht noch twee medehulpers/ die de lasten vander stadt met haer dragen soude. Dese verkiefsinghe van dese nieuwe ouerheyt is geschiet den seften September.

Opten 8. van deser maent so is doot geschoten Jacob Paulet een Vlaming een seer vroom ende ervaeren crijtschman / want dewyl hy onverschricht ouer die stadts muer siet twee Spangiaerts lopen/ so heeft een van die schiltwacht wt den Schans vander vyanden zyn hooft met een cloot doorschoten. Ontrent desen tijden scheent dat die Spangiaerts met ons haer spot hielden / dewyle sy voor ooghen anders voorgauen / dan sy wel dachten.

Want den thienden van deser maent voerden sy met haeren waghens sommighe middelbaere stucken gheschuts wech nae Berghen / recht ofte sy meynden te vertrecken/ maer snachts daer aen / dewyle sy met ettelicke Schuytkens aen een ghehaecht in een maniere van een Brugghe / deden grooten moeyten om een ouerganck te maecten byder Stadt/ soo hebben onsen schiltwachten also daer in gheschoten/ dat zyt hebben moeten naelaten/ veel gheschoten zynde ende die Brugghe ghesleten zynde: Namentlick alsoo gheuen die Spangiaerts altemet van haer een schijn/ recht oft sy vertracken/ op dat sy also daer en tusschen den onachtsamen ende traghden onberhoedich moghen ouervallen ende vermoorden.

Waeromme den elfden dach strack nae der Sonnen opganck sachmen een grooter menichte van Ruyteren met wagens met den welken sy wederom tgeschut voorde Stadt voerden / also wel sy weynich voortganck deden om den ghestadighen reghen / waerom die wegghen acnde Poort syde sijckich ende onganckbaer waeren.

Maer den 12. van September hebbē die vyanden wederom van Bergen voor de stadt veel paerden ghebrocht sonder voerluyden met een groote menichte



menichte van kuyters ende voetknechten. Entrent den auont hebben sy ontrent met twintich waghens een groote menichte van deelen ende horden ghebracht by die Roode toren / die daer aenden Oostcant geleghen is / ende snachts daer aen hebben sy eenige schanshozen geset opt t-Sasthuys lant voor die Wriesche poort / op die meyninghe / gelijckit namaels gebleken is / als dattet een schans zijn soude voor t-grof geschut / dat aldaer staen soude / want dat die sommige vermoeden / als dattet daer toe geschiede / op dat sy die inder stadt waeren / rontom besloten zijnde door ghebreck wthongeren ende ouerweldighen souden / dat was voorwaer alte vergeefs gheraemt / niet daerom alleen dat die vyandt den vaert niet in zijn ghewelt en hadde / maer oock mede om dat hy een achter hoedt open houden moeste / op dat hy niet onuersiens moghelijck ouervallen worde van die tonser ontfet comen mochten.

Die Spangiaerden dan volherden vast om de bestorminghe te vorderen / want den veerthienden September voor sinte Pieters toozen opt quakelbrug / die daer leyt in't midden tusschen die Wriesche poort ende t'nieuwe Monicken bolwerck hebben sy een schans opgeworpen / van waer sy onse pioniers / die den vervallende muur allenskens afbraken / door veel schieten wechdrjuen souden. Op dier plaetse was een stucke muere nedergefallen aen die Papē toozen / op welker plaetse donsen een wal maecten / seer onbry van t'schut der vyanden / ende derwijle sommige van die aerdedraghers van die Spaensche schutten geschoten ende haestich doot bleuen / ende sommige seer gewont waeren / so zijn die anderen op dien dach versaecht geweest / dat sy t'begonnen werck niet op maecten. Maer snachts daer aen so hebben drie rot van onse schutten / de Spangiaerts wt die schans voor sinte Pieters toozen onuersiens verdrue / maer so sy die hoochte door gebreck van grauen niet slechten en condon / soo zijn sy voor den Spangiaerts daer van daen ghescheyden.

Maer derwijle van donse mede verwanten niemant wtghesonden werde / die ons van eenich ontfet bootschappen souden / nochte donse cruypers gheen open wt de stadt te comen en hadden / om sulcx te vernemen / ende dat om die nauwe scherpe schiltwachten der vyanden / soo zijnder by ghe-meene aduys des ouerheys en hopluyden sommige Soldaten des snachts heymelijck wt die stadt ghetrocken en hebben van den Spangiaerts / die aenden Suyt sy de vast doende waerē om een schans op te werpen / een gevangen leuendich inden stadt gebrocht / ende so sy niet te seer gierich na den deut geweest en hadde / soudense alle die inden schans waren lichtelijck met een moeyte gevangen hebbē / dit is geschiet den 18. September. Hier hebben wy vernomen Godes sonderlinghe goetheyt / want dat de mede verwanten met brieuen ons niet condon laten weten / heeft Godt gheschickt / als dat wijt vande vyanden vernomen hebben / derwijle wy wt den gevangen /

ghen / des



ghen/ der Spangiaerden meyninghe ende raetslach hebben moghen volcomelijck vernemen / dese vertelde / als dat Don Frederico a Toledo van Thof vermaent was/ dat hy hem haesten soude om de stadt te bestormen/ ende ten waere dat hy den tweeden ofte ten derden storm de stadt niet en creech/ zijn armeye wederom in Zabant brengen soude/ Item dat Don Frederico opperste veltheer van tganſche armeye so voor hem genomen hadde / dat hy op vier plaetse te ghelijck op een stonde soude beginnen te stormen / op dat hy ten minsten een plaets daer gheen Garnisoen en was innemen ende ouerweldigen soude/ al hoe wel hy seyde datter wat onenicheyt/ ende ghescheel was tusschen hem ende Portcarmen/ hoe ende in wat wijsse men den stadt bespringhen ende innemen soude / nu soo waeren die brugghen tot sulck werck van noode/ ende andere apparaten ende instrumenten al by der handt/ twelck diende om den stadt te ouerweldighen / dat hy voortaan oock voor hem ghenomen hadde alleer hy de stadt bestormen soude/ die mueren by die Wriſche poort ende Noode tooren voor eerst neder te schieten/ maer dat hiet aende Suyt syde daermen na Haerlem vaert/ den vesten alleen overbrugghen wilde / ende dat hiet by die souketen te scheep wilde bestormen / daerbeneuen dat Don Frederico voor hem ghenomen hadde/ soo hy stormender hant de stadt in creech / dat hy alle Burgheers ende inwoonders tſy ionck oft oudt / tſy man oft wijf sonder onderscheyt al vermoorden soude / maer die vromen ende gheloouighen baden Godt daghelick met veel tranen ende suchten / als dat hy alsulck danighe onmenschelicke ende bloetdorſtighe tyrannie van haer halsen ghenadelicken afweereen wilde / daer en bouen den ghevanghen ghevraecht zijnde/ met hoe veel volcks die vyant voor den stadt lach / seyde dat sy ontrent ses duysent vijfhondert man starck waeren/ eensdeels Duytschen/ vanden welcken waren vier hondert ruyters/ ende talderhoochste vierthien vaendelen knechten / eensdeels Italianen ende Spangiaerden/ die daer starck waeren drie hondert paerden ende vierentseftich vaendel knechten / al hoe wel die ghevanghen seyde/ dat die Spangiaerts niet stercker van volck en waeren / nochtans nae tbeleg hebben wy wel anders vernomen van den ghenen/ die der vyanden armeye selfs besichticht hebben/ want die opperste veltheer van tganſche armeye Don Frederico a Toledo/ by de welcken waeren mijn Heer van Portcarmen/ Don Juliano de Romero veltmeeſter/ ende veel meer andere van die Spaensche en Walsche adel/ zijn tenten gheslaghen hebbende int dorp van Gudezorp / hadde by hem twee ende veertich vaendelē van oude ende ervaeren crijſch knechten/ by den welcken als tot eender vervollinge vā die nieuwe crijſch knechtē cortelijc wt Italien by gecomen waeren acht vaendel knechten/ Don Frederico hadde tot zijn lijf wacht anderhalf hondert ruyters/ daerenbouen warē ooc op die plaetse ontrent vier hondert ruyters / Don Fernando a Toledo/ Cousyn van



*Vande Belegeringhe*

Don Frederico bewaerde huyfwaert met acht Wendelen nieuwe Spangiaerden die daer elck starck waren by naest twee hondert man / int Dorp van Sinte Panraes lach een Hocheduytsch ghenaeemt Polwyler die daer ouerste was van ses Wendels / byden welcken daer en bouen by ghevoecht waeren vijf Waendels knechten van tgarnisoen van Groeningen / te Coedijck lach die Baroen van Liques Souuernuer van Haerlem met twaelf Waendel Waelen / by wiens volck oock lach die Baroen van Cheureaule met acht Waendel Surgoensche knechten / te Bergen lach mijn Heere van Capres met thien Waendel Waelen / aenden syde syde in die Rieupoort waeren twee benden Italiaensche ende Spaensche Kuyters / en een Waendel Duytsche Kuyters van Ioziaen Schenck : Aldaer mede hadden die Spangiaerts haer leger met seuen Waendels versche Spangiaerts / by den welcken als tot onderstant by gevoecht waeren onder tghEBiede van Ioziaen Fronsberg twaelf Waendel Duytschen / daer beneuen noch drie Waendel knechten van den Graef van Guersfeyn. Alsoo dan (op dat icht in een somme vervate) zyn inden eersten voor de stadt ghebrocht hondert ende eenentwintich Waendel knechten / die welcken ten minsten bedraghen sefthien duyfent man / maer van desen zyn naemaels tot een deel Waendels na Schellinckwout ende op die scheepen ouergeuoert / op dat sy den onsen tee Zee bestoten soudent. Aengeken dan als nu oock die plaetse eyfcht / op dat wy een weynich hier onder aen by voegen van die macht des stadts / so sulden wy tselfde cortelijck aenroeren. Die Surghers ende Inwoonders die weerbaer waren zyn ghevonden derthien hondert starck te zyn / behaluen die vzeemdelinghen / aencomelinghen ende huyfuyden / die met ons beleghet waeren / die nochtans niet veel int ghetalle waeren. Tgarnisoen dat wy binnen hadden / was ontrent acht hondert man / want van seuen Waendel knechten die voormaels tot een Garnisoen in gheschiet waeren / waren twee int eerst doort beuel van Jonckheer Diederick Sonoy Souuernuer van Noordholland / en namaels ooc tderde een weynich tijts voor die laetste belegeringe des stadts met drie middelbaer stucken geschuts / die daer ooc tot des stadts bescherminge ingeschiet waeren / zyn wech gevoert nae Waterlant / om datmen seyden dat sy daer grootelijck van noode waeren.

Den sefthienden September so is by Sinte Pieters toren wederom een vach muers needer ghefallen / nae dattet nu een wijltijts wtgepuylt ende ouergeweken gheweest hadde / ende door die swaerte ende vochticheyt des nieuwen wals van onder aen hem begaf / maer die Surghers hebben van stonden aen op dier selfder nacht dat gadt met aerdt vervolt / Alsoo dan die muere die van onse voorouders gemaect geweest hadde op die plaetse van een wal / heeft ons anders niet dan alle moeyten aengerecht / om den selfden af te breken en een wal op die plaetse te bestellen / op dier selfde dage hebben wy sien moge van de vyant gestelt te zyn ix. stucken grof geschuths rechte ouer de Driesche poort / en seuen stucken voor den Roode toren / maer om dat die landen



die landē aende Noort syde/ al waer die aerde cleyachtich/ en ooc veel leger is als aen de Suydt syde/ so deur die gestadighe reghen/ als mede deur topsetten vande Verlaten ende Sluyfen deur tbeuel vandē Souuerneur van Noort-hollandt onder water laghen/ so hebben die vianden daer by veel verlets gehad/ nochtans snachts daer aen taertrijck van haer voortste schans hooger opgheschoten zijnde / hebben haer schans naerder aende Wriesche poort/ iae bycants tot inde poort toe opgeworpen: by auontueren op dat sy met buscruyt ons bolwerck souden van een doen springen/ welcken nochtans van tsfundament af van blocken en wortelen van boomen / peuyt en ander tsamē opgemaect en seer wel tegen dusdanige mynen vercken was.

Sdaechs daer aen als den 17. September/ so hebben die Spangiaerts recht ofte sy alle dinghen tot den storm van noode al ghereede ende by der handt hadden/ haer stormzugghen van deelen ghemaect soo aen die Suyt syde als aen die Noort syde/ begoft te verthoonen/ tgeschut op die mueren te stellen/ syn schutten en verlooren hoop inde voortste schansen te leggen/ ende alle dinghen te laten sien/ tgeen dat om te stormen van node zyn mochte. Nochtans door Godes sonderlinghe voorzienicheyt ist geschiet/ als dat tet beter geluct is/ dan als die beclaechelijcke standt onses stadts wel voorgaf. Want die meesten hoop van onse soldaten en hadden niet veel den crigh gesien/ ende die burghers en waeren oock niet so wel tot den crighshandel gheoeffent/ als sy wel waeren tot alderley romanschap ende lantwerck. Nu voorts an comen wy tot den storm / welke nae tbegin seer hselick ende vreselijck hem liet aensien/ soo ist nochtans ten besten verghaen/ niet sonder groote blischap ende triumphe vande gantsche Stadt.

Want den achtiensten September inden morgenstont hebben die Spangiaerts vreselijck beghinnen te schieten met twintich stucken grof geschuts/ want by de Wriesche poort stondē sydt aen syde negen stucken gestelt / ende daer by noch twee veltstucken onder den naeste meelmole / by den Kooden toozen opt Oost/ ende waeren oock seuen int ghetal : ouer die Southketen by tKuihuyt stonden noch twee alleen/ van welcken twee deene altijt schoot van achteren inden genen die den viant vandē Kooden toozen af woerden. Ende op dier daghe heeft die viant met dat gheschut twee duyssent schoten op de Stadt geschoten. Binnen Stadt zyn veel huysen gherampeneert ende gebroken van tgeschut/ maer niet dan vijf ofte ten hoochsten ses mannen doot geschoten. Door dit wonder vertoonde Godt woorspel van die naeuolgende victorie: want nae dat die Spangiaerts door soo veel schietes woorspeel vande Wriesche poorte ende Kooden toozen tot den gront toe af geschoten haddē/ so heeft hy begonnē te half vieren na den middach met sommighe Spaensche knechten dapperlick te bestormen/ by de Wriesche poort een aenganch hem gemaect hebbende door die afgeschoten rutsen ende peuyt / ende by den Kooden toozen een stormzug aen-



Vande Belegeringhe

den wal aengeuendert hebbende/ende op dat hy ooc de burgers meerder ver-  
saecht ende verslagen van herten maken soude / wilden sy hun laten dunc-  
ken/als dat sy oock by tholtwerck van die Kienemer poort / ende oock op  
der selfder stonde by de southeten de stadt bestormen wilden / De wyle sy  
by die streck wering van die Kienemer poozt een storm brug naerder  
aen des staids vesten ghebrocht hadden / ende by den southeten met eeni-  
ghe schuyten aenquaemen / die sy vol met knechten ghscheept hadden/  
maer tis ghebuert als dat al tgheen dat die viant verdicht hadde om don-  
se te verscricken / gheensins moeteloos ofte versaecht en maecte / want als-  
ser alarm gheslagen was / soo waeren die Burghers ende soldaten euen-  
ghelick ghemoet ende ghesint om den viant af te weeren / Deen liep voor  
den anderen strijt om strijt / een yghelick weerde hem vromelick daer  
hy stonde / niemant sachmen wijcken van zyn plaets door oueruallen  
der vianden / ten waer hy doorstecken ofte dapperlick ghewont waer:  
die burghers tgheen dat haer vanden Hopluyden gheboden waer / volde-  
dēt terstont/niemant en was onwillich te doen tgeen dat hem vande Hop-  
man belast werde / die vrouwen oock / die ionghers ende meyskens sach-  
men seer vyerich inden storm / want sy brachten den onsen ghestadelicken  
aen gheterde ende ghesmeerde hoepen / dien sy al barnende nae den vian-  
den wierpen / sy brachten oock onuermoeyt aen heet siedent ende gecalcit  
water ende kieselstene/op dat sy byder hant al gereet hebben soudent/waer  
mededonse den aenualende Spangiaerts of dypuen soudent / Iae sommi-  
ghe ionghers werpen oock seluen onuersaecht kieselstenen ende gheterde  
hoepen inden vyanden / ende ick hebbe oock sommighe soldaten hooren  
segghen / ten waere hun die vrouwen op sulcker wyse niet geholpen had-  
den met alderhande getuygh van wapenen / dattet gheschiet soude heb-  
ben / datse voort ghewelt der Spangiaerden soudent hebben moeten wye-  
ken. Nochtans den vyandt en was niet min veldoende / soo wat hy al  
conde oft mochte by brengen om de stadt met stormender hant te ouer-  
weldighen / want dient te buert gheualen was om de stadt eerst te be-  
stormen / nae datse door die rutsen ende peuyen bouen op die Wriesche  
poozt ghecomen waeren / deden haer vterste beste om den onsen van den  
wal te dypuen / hier en teghen donse dreuen hun weder of met rijtwaer-  
den / gauelpnen / verringiagers / rappieren ende stienen / ghy hoorden  
anders niet dan een ghestadighe haghelbuys van kieselstienen/ende ghesla-  
stich schieten / ende ghestadich gheclanck ende ghedruys van wapenen/  
ghy en saecht daer oock anders niet dan vyer ende vlam de wyle donse die  
gheterde vernende hoepen den Spangiaerts om den hals wierpen / ende  
met vernende buiskentacken ende stroy sengden:maer hoe seer dat die bur-  
ghers daer op aen stonden/ ende den Spangiaerts seer moedichlick ende  
vromelick of sloegen/ale die eerste vande Spangiaerts moey ende afgesla-  
gen



gen waren/ so quamender versche wederom op dier plaetse / die nae dat sy  
sels mede auontuyden te stormen niet sonder haer groot verlies vanden  
storm die sy bestonden/ zijn cortelick mede af gewecken / vooz haer gewin  
dapperlick gewont zijnde. Niet te min nochtans die Spangiaers aldus tot  
twee mael toe af gellagen zijnde/ en hebben den moet niet gants verloozen  
gegeuen om te stormen/ maer van stonden aen zijnder andere wederom op  
die plaets gecomen/ die welcke nae dat sy meerder van getael waren/ al foe  
oock moetiger zijn angeuallen om stormender hant te ouerweldighen. Als  
sy eerst aenquamen/ riepen sy al gewonen/ inen sacht daer drie vaendragers  
van haer staen bouz opt bolwerc van die Wziesche poozt: aldaer is een vaen-  
del vandē onsen verbrant/ twee vaendragers doozsteekē / en die vaendels  
vertreden ende geschuert/ en oft die derde ooc wederom leuendich tot den  
synen gecomen sy/ en weetmen niet. Ten laesten oock die alderleste/ na dat  
sy tgewelt van donsen niet langer mochten verdragen/ zijn met schande af  
getrocken. Also is die Wziesche poozt van tstormen der Spangiaerden be-  
ruyt geweest. Hier en tusschen so wasser hy de floodē toozen een seer bloe-  
dige ende dappere storm/ de wyle die Spangiaerts op dier plaetse ouer die  
storm brug ouer die wallen clommen. Maer alhier stonden donse op een  
seer onghelegghen plaetse om te vechten: want van voozen moesten sy met  
den vpyandt stormen / om hem af te keeren / dat hy ouer stads mueren niet  
ouer en clam/ ende van achteren werden donse van die twee groue stuc-  
ken gheschuts ghereten/ dien wy voozmaels gheseyt hebben als dat sy  
stonden ouer die southeten/ maer donsen alle dese swaericheyt achter de  
handt stellende/ zijn moetich bliuen staen int stormen / nochte niet te vze-  
den den vpyandt eenmael of gheslaegghen te hebben van den wal/ had-  
den haer euen hertich endemoetich teghen de genen die versch wederom  
aen quamen op de plaetse der gheenre die vermoeyt ende af gheslagghen  
waeren/ de wyle die vyzsters ende vrouwen euen neerstich aenbrachten  
calck/ gheterde hoepen/ ende siebent water/ waer mede die aenualen-  
de Spangiaerts beghooten werden. Na dat die Papisten alsoo twee-  
mael af gheslaegghen waeren/ zijn oock ten laetsten den derde ende leste  
reys met veel meer strijdtbaer volcks dan oyt te voozen crachtich ende  
moetich wederom aen gheuallen om den Stadt in te nemen/ die daer  
oock dooz die meenichte van stormen/ alst scheen/ donsen oueruallen  
moghen souden.

Maer die soldaten ende burgers in so langdurige vermoetheyt ende pe-  
riculoseicheyt des verwerings / dat sy sels niet en conden bereycken / dooz  
donderstant ende hantreycken der vrouwen en iongers geholpen/ hebben  
hun euen vromelick ende hertelick tegen den viant ter weer gestelt/ nochte  
en hebben niet eer afgelaten te vechten/ dan te seuen vzen tegens den nacht.  
Die Spangiaerte schandelijck af gheslagghen zijnde hebben opgehouden  
meerder.



*Vande Belegeringhe*

meerder te stormen. Nu wast met ons als gewonnen: want datmen by die  
soutketen (sceep begoft heeft/ ende by Kennemer poort wat geschermtscert  
is/ en cannen voor geen rechte storm rekenen/ want sommige wt die sout-  
keten met buscloten doorschoten zijnde/ hebben den anderen tot een leer ge-  
weest/ dat sy haer schepen opgheleyt hebbende/ in haer scansen soudē bly-  
uen leggen/ die daer ontrent tborwerck aende Zuytzijde liepen al scermut-  
serende/ om dat sy die stormbrugge niet aenmoeren en condē aen stadts  
vesten/ gauen te kennen dat sy niet lichtelick hun begheuen wilden om soo  
ijsselick te stormen. Ende namaels heeftmen wel seckerlick vernomen/ dat  
syt daerom nagelatē hebbent/ om dat die stormbrug van ons grof geschut  
ghesloopt was/ want men heeft naemaels seckere stucken van geschoten  
menschen gheuonden/ ende daerde is aldaer met veel bloets vanden vian-  
den besprengt gheweest. Twelcken voorwaer een oorsaecke gheweest is/  
waeromme die Spaensche schuyten niet en hebbē deruen bestaen op dier  
plaetse aen te gaen sodanigen sware ende periculose bestorminghe/ Nocht-  
tans veel beter sal hy doen/ die tselfde toe schrijft Godes voersienicheyt:  
want ongetwyfelt tcheen te wesen oft die stadt soude in een gewisse vae-  
licheyt gecomen hebben/ ouermits datter soo weynich in waeren die haer  
verweren condē/ soo daer die Spangiaerts op vier plaetsen te gelijck ons  
hadden aengheuallen te bestormen/ Maer Godt onse goevertierenste Wa-  
der en heeft niet ghewilt/ dat onse stadt van Alcaer/ als die eerste kercke/  
soo ick meyn/ der Christelicke Ghemeinte in Hollandt/ soude comen onder  
tgewelt van die alder wreeste vanden/ op dat zyn heylighe naem/ alwaer  
sy talderlangste aengeroepen is/ soo schandelick vanden Spangiaerts ont-  
heyliget soude worden/ also compt die prijs van die victorie alleyn God toe  
te schrijuen. In so swaren ende so yselicke storme/ die de donckere nacht/ na  
datse ontrent vier vren gheduert hadde/ gheeyndiget heeft/ zyn van donse  
soldaten doot gebleuen ontrent vierentwintich/ ende van die burgers der-  
chien/ ende daer beneuen zijnder doock veel gewont thups ghebracht. Men  
seyt datter inden storm vanden Spangiaerden ghebleuen zyn vijfhondert  
ende daer ouer/ onder welcken mede ghereeckent zyn ten minsten elf hop-  
luyden ende beuellsuyden: ende tis ghewis of daer souder veel meer van  
den vian gebleuen hebben/ ten waer ons buscruyt vochtich ende damp-  
achtich geweest hadde/ ende also niet goet en was/ want veel vanden vian-  
den nauwelick ghewont/ zyn allenskens wederom ghebetert/ ende tmeeste  
deel van die burgers zyn daer door haer onbedachte ypericheyt gebleuen/  
de wyle sy alleer die aencomende Spangiaerts haer hoofden ouer die wal  
staecken/ van bouen nae haer schooten/ niet anders dan haer open gauen  
om geschoten te worden/ ouermits dat sy also vanden vian niet schoot vry  
en waren. Inden storme heeft hem seer vromelick ende mannelick gehad  
Dirck Duyuel van Amsterdam ende Coenraedt van Steenwijck als hop-  
luyden



hyden/ vander welcker die eene met synen soldaten op die Wziesche poozt/ ende die ander byden Rooden toozen veel vianden gheslagen heeft. Jacob Cabbellau die ouerste van tgarnisoen inde stadt / een seer sachtmoedich en minnelick man/ alhoel wel hy doen ter tyt sieckelijck was / nochtans was hy selfs tegenwoordich by die Wziesche poozt/ om ons door syn tegenwoordicheyt ende woorden moet aen te sprecken. Daer beneuen en hoor ick ooc niet te verswigen om te prisen eenen wt Scotlant genaemt Cornelis / die te wyle hy binnen haerlem vaendzager was / nae dat die stadt opgegeuen was/ vanden Spangiaerts onder anderen mede geuangen was / ende hem heymelicke versteekende/ nu cortelick Alcmær gecomen was / dese dan seer vromelick ende mannelick teghen den Spangiaerden stormende (van de welcken men seyt dat hy in dier storme wel ouer die twintich alleen heeft geslagen) heeft alsoo gants alle suspicie van verraderye by den onsen wech ghenomen.

Van die twee stormbruggen/ die welcke die viant ghepoocht hadde aen die Rooden toozen aen te voeren / hebben donsen een van dien met vier in de donckere nacht gelloopt. Maer danderen daer aen/ als den negenthiensten September/ soo als die Spangiaerts haer best deden om die tsauonts aen de vesten aen te voeren/ ende by dien toozen wederom schickte al tgeen dat tot stormen van noode mochte zyn/ donsen door sulcken geluyt wacker geworden/ zyn strac in wapen geweest. Genderlepe vreesachtich mensch/ die dese crijchshandel niet en verstonde/ heeft terstont alarm doen cleppen: gelijck ooc op dier selfder nacht naemaels ontrent te drie vzen worden vanden onsen wederom alarm gellage/ de wyle die Spangiaerts by die Rooder poozte soinnige listkens aenuoerde/ waer mede sy den wech voor den synen bet verlijger maecten souden om te beter wederom te stormen. Also dan hebben de Spangiaerts van trage ende suymachtighe Burgers goede ende eruaren crücsuyden ghemaect/ de wyle sy bycans taller stonde wt haer slaep op gewect worden om te stormen ende den wal vast te maecten.

Den twintichsten September voor den Middach ontrent te negen vzen heeft hy wederom met syn gheschut begonnen te schieten / ende te wyl hy den wal/ die daer aen weder zijde vande Wziesche poozt leyt/ met dat metaelen geshut meynde te rupneren/ heeft meerder beschadicht den naest gelegender burgers huysen/ als den bozstweeringhen/ want so wat daer van tgeschut of gheschoten worde/ dat hebben donse terstont met aerde weder op gemact.

Op dien selfden dach heeft hy met groot geshut seuen hondert schoten geschoten op des stadts mueren/ daer beneuen oock nae den middach heeft die Spangiaert syn crijchsuotick wt Gudoorp gheuoert / om te bestaen den Rooden toozen met stormender handt te ouerweldighen. Maer te wyle sy noch die rest vande stormbrug te water wilde brengen/ zyn van onse schuten



ten die aende vesten stonden / alsoo gheschoten / datmen seyt datse veel van den haeren ghelaerten hebben / ende onder anderen mede een beuelhebber. Nochte die Spaensche Hophuyden oft Capiteynen de wyle die brugge noch niet naet behooren aen de wal aen gheuoert was / en hebben vermoegen haeren stormers met eenighe dreygementen / ofte slaghen daer toe dringhen / om des stads mueren op te climmen / al hoe wel datmen seyt datter tot vijfshien toe doozsteecken zijn vanden ghenen die niet aen en wilden om te stormen.

Alsoo dan is dat een oorfsake geweest waerom die tooren op dier tijt niet bestormt en is / want al hoe wel men seyt dat Don Frederico a Toledo syn knechten groote gheschencken ende gauen beloofde soo verre sy die stadt innamen / nochtans en heeft hy aldaer niet vercregen dan een groote nederlaeg / ende quetsuren onder den synen. Nochte aen dander zyde en ghincht met hem oock niet beter / want die daer bestelt waeren om die Vriesche poort te ouerweldighen / hielden stal by die naefte meelmolen : by auontueren om dat sy der anderen ongeluck ende nederlage vernamen / dat sy niet naerder aende stadt coemen souden. Inghelijc mede by die Kienemer poort hebben sy stal gehouden / al waer / gelijk dat in in seermutselinge gesiet / sy nu hier nu daer gelopen hebben / nochtans niemant van dien heeft duruen syn handt aen de stormbrugge slaen. Alsoo dan heeft die Spangiaert / de wyle hy dooz syn hoocharticheyt syn voornemen hertneckelic aendryft / onsen soldaten ende burgers inden cryshandel gheoeffent. Naedat daer en tusschen onsse wallen ende bokwercken van de vrouwen ende huyshuyden seer sijn gemaect werden / ontrent der Sonnen onderganch / alster aende Zuydtsyde een grooten hoop ruyters ende knechten dicht onder den wal by een stonden / soo heeft een sijn ionck buffschietter met hagel daer in gerammelt int midden van tregement / alsoo datter veel geschooten zijn / de / danderen van een zijn geseheyden.

Tsaunts alsdan als die Spangiaert den synen allengskens wederom vande stadt voerde / soo zijn donse als sy wat gegeten hadden / een weynick gaent slaepen / die vesten besettende met dubbelde schillwachten. Hoe veel volcks dat den viandt op dien dach verloozen heeft / en hebben wy noch niet vernomen / maer vande burgers zijnder drie ofte vier gebleuen / ende onder desen Egbert Dierten des stads Waendrager / een seer moetiche ende vroom byer / maer haestich ende onbedacht / den welcken van een Spangiaert met een mosquet int hooft doot geschooten is / de wyl hy onuerhoedich syn roer aendeyt om nae den viandt te schieten. Maer vanden soldaten zijnder acht vanden viandt geschooten. Alsoo dan heeft Godt ten tweeden dooz geen cleyn bewijs gheopenbaert / al hoe wel dat vanden gheconfedereerde ende mede verwanten geen onset en quam / dat hy nochtans al schijnt verloozen / ons by sal zijn / want die Spangiaert is spottelick bliuen verhangen om



om syn bruggen aen te voeren / en firmament des hemels was gants tont-  
fer besten / soo alst die wint schichtich veranderde als men meynde te stoz-  
men. Ich hebbe selfs ontrent ten drie vren int firmament des hemels blinc-  
kende teyckenen gesien heel drie cantich / twelck van Noorden beginnende /  
allenskens naer Zuyde verliep / ende nae een cleyn vren ist ontwint. Tself-  
de hebben donse / soot onder die aenslach geschiede / tot haeren voordeel ge-  
reectent / recht oft sy vant Noorden ende Zuyden ontfet verwachten / ende  
een wyl tijts voor ende al eer die Sonne te boode gingh / sach men groote  
bakens int Oost ende Noorden op gaen / twelcken wy achten van donsen  
al willens geschiet te zyne / om ons die soo sterck beset waeren / moet te ge-  
uen / want alhoewel die daer van den doorluchtichsten Prince van Bran-  
gien om ons tontsetten ouer geschiet waeren / seer wel hun in die naeste dor-  
pen in haer schansen behielden / gantselijck geen sorge draghende hoet met  
ons al gaen mochte / die nochtans soo swaerlijck inde stadt belegert lae-  
gen. Op dat sy nochtans souden schynen niet gants ledich geweest te zyn /  
staecten altemet een baken op / om ons naer goede ontfet te doen wachten /  
recht of die ons ontfetten souden / alreede nu nae by ende byder handt  
waeren.

Daer beneuen zyn op desen dach ontrent snachts van twee huyfluyden  
inde stadt gebrocht seckere brieuen van sommige goede vrienden geschre-  
uen / waer mede sy ons moet gauen / inden welcken sy ons lieten weten / als  
dat Hartoch Christoffel des Palsgrauen sone geluckige veltlagen ghedaen  
hadde tegens die Papisten by Rinnaghen / ende nae dat hy die gheslagen  
heeft / syn Regimenten voort aen gebracht hadde voor Tiel in Gelderland /  
voort dat Graef Lodewijck wt tlant te Cleeff aenquam met een groote  
macht van ruyters ende knechten / dat oock Augustus Hartoch van Sa-  
xen ende Frederich die Palsgraef veel crychvolck aen naemen / daer en  
bouen dat donsen wt Zuydholland vanden Prins tontset ghesonden wae-  
ren acht vaendele Waelen / waer of dat meestedeel haer leger hadde te Lan-  
gedijck een seer vernaempt dorp van Noortholland / van waer die stadt hae-  
stelijck ende lichtelijck ontfet conde worden. Item dat donsen die schans te  
Schellinckwoudt vanden Papisten ontnomen waer. Maer dat daer en  
tegen die Waterlantse steden als Purmerendt ende Monickedam met  
Princen garnisonen beset waeren. Ten laetsten oock dat die derde man  
wt die steden van Noorthollandt ischeep op ontboden waeren / om die sce-  
pen te ouerveldighen / waer mede die van Amstelredam de Zee pooch-  
den in te cryghen. Dit was cortelijck tinhoudt van dier brieuen / waer  
mede die Surghers wederom ghepaeyt wierden / recht off haer ont-  
set als nu voor handen waer. Maer die verstandighen condon wel lieh-  
telijck begripen / dat wt Noordt Hollandt gheen onderstant ofte ontfet te  
verwachten stonde / want haer macht was niet te ghelijcken by die groote



armeyeder Spangiaerden. Necht als die huyfluyden dit ghebootschap hadden/so isser wederom alarm geclept/maer men heeft haestelijck vernomen/dattetmaer een loos alarm was/ghelijck sy voormaels snachts altemet deden/ende daechs daer aen oock/als op sinte Matthys dach hebben die Spangiaerts snachts meer dan eenmael alarm gheroepen/ende donse hebben tot drie mael toe inde wapenen aen die vesten ghelopen/maer die Spangiaerden hebben fluy daer aen gehouden alarm te roepen. Oock int beleg van haerlem heeft die Spangiaert dat vooz een wijse gehad/dat hy mit sulckdanighe loofse alarm/alst naemaels bleect/den belegerden inde stadt mat ende moet maecken soude/ende alsoo ter ghelegender tijt/de wyle sy meynden datter die viandt mede deunt/ende alsoo een loofse alarm maect/den fluytmachtighen ende onachsamen onuerdachtich ouerualle. Alsoo dan die tenigher tijden belegghert worden/hebben wel te letten op die Spaensche treecken/diemen niet neerslicheyt ende wackerheyt lichtelijck kent afweren.

Van dier tijt off mochtmen kennelijck bemercken dat die viandt tbeleg verlaten wilde: want den tweentichsten September is hy wt die schansen geweken/die hy aende Suydt cant by tboelwerck gehad hadde/maer donse alst dach was/met sommighe rot schutten wt vallende/hebben van daer wat beuts in stadt gebrocht/hebben ooc die stormbrugge daer die Spangiaerts so grote moeyte ende weer ghedaen hadden om te maecken ende te stellen/aen stucken ghesmeten om te verbranden/ende hebben oock daer beneuen die schansen/die nae aen de stadt lagen geslecht. Was een lust te sien/dat donsen spaceren gingen op die plaetse/die de viant binnen so corten stondt ingehadt hadde: daer en bouen mochtmen nu altemet ouer die vesten wat vyer wt kijcken/om dat die viandt veel tenten ende hutten aen die Suydzyde op gebroken hadde. Men heeft oock tsauons ghesien dat die viandt met ettelicke wagens sommighe vaetkens buscruyt/soomen meynde/vanden Rooden toozen wederom wech gheuoert heeft naer Sudorp.

Maer hoe wel alsv voortaen donse soo wel gherust waeren/als verhoopende dat wy haest ontfet souden worden/nochte niet meer besich en waeren om bet te vernemen/wat die vyandt inden sin mochte hebben/soo ist nochtans gheschiet dooz Godes vaderlijcke ende onwtsprekelijcke goetheyt/als dat die gene die de vyandt tot onser verderf toegeschickt hadde/ons daer tegens zijn practijcken ende listighen aanslagghen geopenbaert hebben/want eenen Francys/dien welcken die Spangiaerts onder anderen geuanchelijck van haerlem niet haer genomen hadden/als hy nochtans in onsen stadt gecomen was/van donsen ghevraecht zijnde/waerom hy van die Spangiaers tot ons ouertiep/soo heeft hy vrsijck beleiden/dat hy vanden vyant heen gesonden waer/op dat hy bet ondercruppē oft vernemen



nemen soude/hoer met die Soldaten ende Burgers gelegen was/ende soo hy eenichsins conde oft mochte/door hulpe ende onderstant der Papisten den stadt verradelijck inde vyants hande ouerleueren soude/om het welcken te volbrengen so hy eenighe bequame middel conde vernemen/ dat hy tselfde vande vesten met zijn stein oft eenige ander tecken en soude te kennen geuen/maer anders dat hy op den bescheyden dach wederghecomē/hun soude verhalen / hoe datter inden stadt gestelt zijn mochte: Maer dat hy sulck danige beuel aengenomen hadde te volbrenghe / welker seyt hy achtet een seer leelijck schelmstuck te zijn/ seyde hy als dat hy tselfde alleenlijck gedaen hadde/om zijn lijf te salueren/maer dat hy daerentusschen insonderheyt voor oogen gehad heeft / tweluen des stads ende der Burgers/al hoe wel hy seyde/dat hem groote gauen beloofst waeren / so verre hy den stadt verraeden konde. Maer dat hy sulck geensins inden sin ghehadt hadde / gemerckt datmen tselfde oock wel lichtelijck verstaen conde/om dat hy der vyanden raetslaghen hun so openbaerlijck verclaert hadde. Als dit gehoozt ende byden staet bet ouergeleyt was/op den 23. September/soo hebben die Burgemeesters vander stadt met die hopluyden / ende die daer Cappiteynen waere van die schutterye/ malcanderen gestwooren/als datter niets van alle tghene onder den gemeenen man verstroyt soude worden/maer datmen veel eerder den gemeenen man wijs soude maecten als dat die Francos inbrachte / dat die vyandt binnen vierthien daghen zijn belegeringe opbreken soude/om dat der Duytschen ontfet na by was/soo is die selfde in bewaerder handt ghestelt/onder anderen so vertelde die selfde mede als dat het den Spangiaert seer speet / dat soo lang als hy den stadt beleyt hadde gehad/noyt hadde connen vernemen / so wt eenige die wt den stadt wercken/als wt eenige brieuen der Papisten/hoe sy gehardt ende gemoet waeren / om den stadt met haer Garnisoen ende cost tot onderhoudinghe van haer selfs noodich/te behouden/twelcke een secker bewijs is/als dat die burghers tontrecht als verraders van sommige soldaten gescolden worden/recht ofte eenighe burgers wt die stadt int regiment van den viant ouer gelopen / ofte eenige brieuen aen pylen ouer geschoten souden hebben/waer mede sy die vianden raet gauen / ofte een wecht aen wesen/om de stadt in te nemen. Op der selfder tijt mede isser een Hoochduyts (die daer seyde dat hy was een dienaar van Jozaen Fronsberg) snachts wederom aende stadt gecomen/ begerende met eenen van donsen te spzecken/waer toe van stonden aen beroepen is Wilhelm van Sonneberch/die om dat die ouerste seer sieckelijck was / also voor die tijt syn substituyt waer/als hy opt Supderste bolwerck stonde/so heeft die wtgemaecte twolck geseyt dat die Burgers best ouerleggen soude/om also by secker accoordt behoudens lijf ende goet/hun in tijts te begheuen onder die ghehoorsamheyt der Conelijcker Maesteyt van Spangien/aengaende taec



coorpt dat met hun ghemaect soude moghen worden/ dat sy daer aen niet twifelen en dorsten/ maer hier op heeft Sonneberch sijn gheantwoort/ als dat hy ofte die Burgers noyt van dier meyninghe geweest hadden/ als dat sy den Conelijcke Maieseyt vooz haer rechte lantsheer geweygert hadden te bekennen/ maer veel lieuer onder t Souuernement en bescherminge des Princes van Orangien als Souuernuer van Hollandt/ haer goet en bloet/ lijf en leuen/ en ooc den gantschē stadt seer gewillichlich dē Conelijcke Maieseyt onderwerpen/ maer dat sy daer en tusschē van gantscher harte haeten de tieranny en tyrannige regieringe des Hartogens vā Alba/ dē welckē sy vooz haer genomē hadde hun in alder manieren tegē te stellē. Na dat die Duytsch alsulckē antwoort ontfangē hadde/ is hy haest vā daer gescheydē.

Den vierentwintichsten van deser maent die twee huyslyuden van die welcke wy voozmaels of verhaect hebben / dewijle sy wederom aenden Souuernuer van Noorthollandt gesonden/ een gehelen dach int riedt bosch verborogen gelegen hadden/ zyn andermael wederom in de stadt gecomen/ om dat sy dooz der vyanden schiltwaecht niet wech gheraecten en conden. Ende ick achte als dat tselfde gheschiede niet sonder wonderlijcker versienicheyt des almogende Godts / aengesien dat niet alleenlijcke die vyandt conde vernemen/ hoe dattet indē stadt zyn mochte/ dewijle dat onse posten om die seer nauwe schiltwachten der vyanden altyt wederom inden stadt quamen : maer oock die Burghers selfs mede / dwijle van ghenen canten yemant ingheschickt werde / die ons eenichsins soude laten weten/ oft van onser mede verwāten eenich ontfet vooz handen zyn mochte/ also als metter handt tot Godt geleyt worden/ om hem om hulpe aen te roepen/ inden welcken alleen wy behoorden ghestelt te hebben alle hoope ende vertrouwen van onser behoudeniſse ende ontfettinghe. Waerom also dan zyn die posten vooztaen by aduijs van Burgemeesteren ende Cappiteynen inden stadt gehouden/ op dat die vyandt niet yets van ons vernemen soude. Wy hebben voozwaer ontrent den auont stonde gesien/ als datter twee stucken grof gheschuts van tghēen / dat recht ouer die stonde tooren stonde / dicht aent waeter omgekeert waeren/ maer dat ooc die stucken mede verset waren/ die ouer die southeten ghestaen hadden / ten laesten oock sachmen aenden Suydt syde dat die hutten daghelier minderden/ also datmen daer aen lichtelijck conden bemercken / dat die stadt wel haest vanden vyant selfs ontfet soude worden/ oft dat die Spangiaert wat anders listelijck ende heymelijck te werck leyde / maer als die Francos (den welcken die vyandt daechs te voozen wt die gebauckenisse vry ghelaten hadde/ om ons te verspieden) donsen aenghegeuen hadde / als dat aenden Suydt syde een hoop Spangiaerden by een vergaren souden/ den welckē hy metter stemme ofte eenige teycken (als hy met hun voozproken hadde) yets wat soude laten weten/ so hebben die Burgemeesters ende hophuyden eendrachtelijck gestemt/



stent/soo daer eenighe hoop Spangiaerden by een ghetommen souden zijn/  
dat sy niet gheschut ghestrooft souden worden/alsoo dan dien dat beuolen  
was/heeft derwaerts niet scharp daer na geschoten / so wainmeer daer eeni-  
ghe hoop Spangiaerden gesien worden. Sommige achtent als dat wat on-  
verhoedich ghedaen was/niet alleen om datmen van dien te geloouen/die  
dat gheraden hadden te doen/mit recht soude mogen twijfelen/ dewijle hy  
met groote giften ende gansen daer toe versocht sy / maer oock mede dattet  
lichteluck soude hebben comen gebueren dat alle dingen als verdacht al-  
so geschieden:want wat waert/ of die Francops beloeft hadde met sulck-  
danighe kenteicken hem te openbaeren den raedtslach der papisten inden  
stadt/ ofte den stant vanden gantschen stadt:maer God heeft beschickt/ als  
dat sulckdaniger voorgeuen niets sy geweest. Op dier selfder nacht isser by  
die sciltwacht wat verschillens geweest inde loose / dewijle dat vande ouer-  
sten Cabbellau een ander gegeuen was als vā Sonneberch/maer die nacht  
is sonder eenighe commotie ofte beroerte vande Surgeren ouergebracht.

Den 25. September is die Spangiaert opgehangen geweest/dien don-  
sen den 15. van dier selfder maent wt der vyanden schanse ghevanchelicks  
inghebracht hadden/ ende syn doode lichaem is naemaels van des stads  
veste by den dooden toozen opgehangē geweest/op dattet die Spangiaerts  
sien mochten/ ende dat meest om dier oorzaecke wille/op dat die genen/die  
voorden Francops (dien wy voormaels geseyt hebben als dat hy vanden  
vyandt wtgemaect waer/ om den stadt te bespieden) hun lijf tonderpand  
gestelt hadden/mits dat hy ten laesten ten gesetten daghe wederom by den  
Spangiaerts comen soude/niet gedoot soude worden. Want die niet hem  
geluckelick ghevangen waeren/hadden haer leuen daer voer tonderpand  
gestelt/so hy voer den naesten sondach niet wederom gecomen soude zijn:  
daer beneuen so is die Spangiaert op gehangen gheveest met des Fran-  
cops cledinghe / op dat hy also in sulckdanighe ghemaecte ende versierde  
gedaente sulcx enckelick soude vorderen/dat die den Francops verborcht  
hadden/niet tonrecht geexecuteert en soude wordē / want menigen achten  
dat met sulckdanige colere die Spangiaerts wijs gemaect soude moghen  
worden/dat den Francops om zijn gheopenbaerde verract vanden onsen  
ontgebracht was/ende also voortaan die anderen van haer borchticht ont-  
slagen soude zijn:namentlick so is die arme Spangiaert geloont geweest/  
om dat hy ons vā als onderrecht hadde en ons alle tgene dat by den vyant  
besloten was/warachtelick te vooren verclaert hadde/want al hoe wel an-  
ders onser goetheyt ende goedertierenheyt hem sonder twijfel cleuen ghe-  
schoncken souden hebben/nochtans hebbense lieuer gheachtet/ als dat door  
zijn doot andere mogelick cleuen souden mogen behouden/ also dan heeft  
hy moeten steruen op dat dē onsen int oorloch gevangē eenige hoope sou-  
den hebben om cleuen te behoudē. Maer op dat wy dat mede cortelijc hier  
aen toghen



aen toghen als die ouerichthet des stads/ so wy victorie beginghen/belooff hadden den Soldaten te verleden/als zijt wel ouergeleyt hadden / so hebben sy dat voornemen naeghelaten/ dewijle om datter ten eersten voor een yegelijck niet lakens genoeg en was/ten anderen oock om dat al claeken niet van eenen prijs en was/nae dat sy also dat voornemen verandert hadden/so heeft die vroetschap gestempt/ dat sy tinnen daelders van 30. muntten souden/op alsulcke conditie als dat die staet na tbeleg tinnen gelt voor goet gelt wisselen soude / op dat die Burgers ende Soldaten daer by niet te cort souden schieten/ dit is ghestemt gheweest den 28. September.

Daechs daer na als tgelt gemunt was/ so heeft den staet elcke Solbaet ses tinnen Daelders gegeven/den dubbelsolders twaelf/ende voort aen die Heuvelhebbers oft Cappiteynē nae aduenant. Dese somme bedroech in als ouer die thien duysent heysers guldens/ met welcke die Soldatē noch qualijcken te vreden zijn gheweest. Maer nu soo comen wy wederom tot die Spangiaerts/de welcke so sy eenmael afgeslagen zijn geweest / waeren op dier daghen besich om die bogagie by een te samelen ende wech te voeren. Want den xxv. September heeftmen inden morgenstont mogen sien als datter van die negen stucken grof gheschuts die by die Vriesche poort stonden/niet dan drie en waren/ende van die seuen die by de Kooode toozen stonden/insgelijcks niet dan drie gelaten en waren/die oock anders omgekeert waren/daechs daer aen heeftmen by die poort gheen geschut ghesien/ men sagen nochtans onder den meel moelen noch die twee velt stucken staen/ende die drie anderen by die Kooode toozen / ende drie daghen lanck aen een duerende hebben die Spangiaerts ouer gebracht met die buffen ende andere dinghen wech te voeren / dewijle sy den selfden niet schuyten na Egmont ouer voeren/maer alst seer quade wech was en also seer veel moeyten deden om die bogagie wech te voeren / so hebben sy veel daghen lanck aen een den wech die van Sudtdorp na den stad gaet/ met stompen/hop/strop/ende ander peun bestropt ende hermaect/ om datse van tregghen water ende toloeyen van die Meer daer by ghebroken was. Want sy moesten die bogagie met waghens ende kerren ouer desen wech voeren.

Den lesten September als sy snachts een wiltijts te vergeefs gearbeyt hadden twee metalen stucken geschuts van die Kooode toozen ouer te scheppen/die welcke in een bobbighe ende modderighe plaetse ouermidts haer groote swaerte diep inder eerden ghesoncken waeren/anders bedacht zijnde/ hebben den Moorder boom voor de welcken sy voormaels een schip gesoncken ende also toe geslooten hadden/wederom geopent/na dat sy t schip opt landt gehaelt hadden/ op dat sy by auontueren tgeschut te scheep wech voeren souden/ende die gantsche nacht lang hebben sy al die bogagie die by die Kooden tooze was/ met schuytens op die cant van twater gebracht/ men heeft oock bemerckt / dat alle de schuyten die met bogagie gheladen waren/



waeren/naer Egmont heenen voeren. Ic hebbe selfs mede ontrent tsaouons ghesien (dewyl ick na mijn ghewoonte aen die vesten gaen wandelen) een groot cadet/alsmen raemen conden/gecleet met een rootscherlaken crachs mantel / die daer by hem hadde vñsthen ruyters/verby den siadt was rijdende naer Egmont/ welckē ons verseeckerde tvertrecken der vyanden.

Opren eersten October den gantschen nacht door/ soo isser by de kloode toozen een groot geluyt gheweest inder vyanden leger/ als ofte sy tgeschut met groote moeyten ende arbeydt wederom vooz die siadt brachten / alst dach worde/so hebben wy op die galgdijck / die int Oosten leyt ende loopt tot aenden Schermerpoort toe selfs ghesien (so wy best hebben connen ramen) vier stucken gheschuts ghestelt / dien sy ontrent smiddaechs in scheppen gheset ende alsoo nade Rieupoort ghevoert hebben / de sommighe rot schutten op die water cant conuoyeerden / by auontueren op dat donse met haer gelepe / die daer den Schermer bewaerden ende in hadden/ hun den beut niet ontiaghen souden / ende niet lang daer na so zyn die schuyten leech wederom ghecome / tgheschut inde Rieupoort ghelaten hebbende/ soemen meynden. Op den selfden dach voozden middach hoozdemen int voozden veel busen los gaen / ende was gheloffelijck dat donsen schermtfelden met den vyandt by Crabbendam oft Schozeldam / ontrent den auontfont hebben wy ettelijke paerdt ruyters met ontrent hondert voet knechten sien van Coedijck wederom comē na den siadt/ als datmen daer wt lichtelijcken conden ramen/dat sy ergens om beut wt geweest hadden.

Daechs daer aen/welcke dach wel vernaemt is/om dat die van Mechele siacs te voozen op dien selfden dach wederom reuolteerden/ sachmen van tgeschut dat by den klooden toozen ghestaen hadde/niet dan noch twee daer toe te zyn. Tsheen certeyn/ dat Godt op dien dach wt den hooghē hemel zyn spot hielde met den Spangiaerts/dewyle hy door ghestadige regen en stercken wint verlette/dat sy tscheep niet wech vaeren mochten/ ende hun weghen ghebroocken hadde / als dat sy niet nae haeren appetijt hun bogagie wechbrengen mochten / want wy saghen oock by trinhuys/ welck recht ouer die souketen staet / dat groote metalen stuck gheschuts noch legghen/ by auontueren om dat sy om tonweder tselfde niet en derfde tscherp wech voeren / maer met waghens voerdense die bogagie wech langs die weghen dien sy teghens tstromen des Meers daer by met hoy ende strop/met grooten arbeyt gemaect hadde / niet te min nochtans die waegens wilden seer qualicken voozt/om dat sy inde sijchlighe ende moderighe weghen staen bleuen.

Den derden October waeren sy oock noch besich om tbogage van dar maghe wech te voeren/ om dat sy tsnachts te voozen om die stromen ende groot onweer de schuyten niet en hebben moghen bestieren/alsoo dan wederom ontrent smiddaechs sachmen als datse met twee schuyten wat gheschuts

schuts



schuts wech voerde/ geconuoyeert zijnde met ontrent hondert voetknechten/ ende wt Huy sweert zijn sommige knechten wtgetrocken/ die daer vast schenen die wegen te maecten/ ende op datmen souden segghen/ dat sy op dien dach niet ledich geweeft en hadde/ so hebben se met teene stuc geschuts twelck onder die meel molen stonde/ elf mael inde stadt gheschooten.

Maer daechs daer aen hebben wy smorgens die schansen by die stoden toozen leech gheuonden/ so als die rest van tgeschut wech ghebrocht was/ ende op deser tijt so haest als sy best mochten/ hebben sy alle die beut goeden ende gheroofde goeden van den huy sluyden met die bogagie nae Egmont gevoert/ bouen desen ist oec bevonden dat die brug/ daer sy haer geschut by die Wriesche poort ouerghevoert hadden/ snachts wech ghenomen was/ daer en bouen mede dat groot metalen stuck gheschuts/ twelck al int beghin op die southeten gestelt was/ hebben sy tseepe naden middach na die Rieupoort ghevoert met een conuoye van een deel schutten. Als nu en sloech daer niemant twiſfel aen/ oft sy souden met haer gantsche leger cortelijck vertrecken: want daer en was geen grof geschut meer ghebleuen/ dan twee stucken die daer voor die Wriesche poort onder die meel moelen stonde. Op desen selfden dach als Pieter Buser stadts roedzager ouer den muur inde viants leger by auontueren ouerkeech/ so heeft hem een Spangiaert met een buscloot inden cop gheschoten/ ende is terstont ter aerden doot gevallen. Maer op dat wy sulcke eene algemeyne droeffnisse vernieuwen doort verhael eens blijdens geschiedenisse/ als den voorleden nacht inder vyanden leger een Spangiaert vanden onsen met een buscloot geschoten was/ al steruende heeft hy deerlich gheroepen: Moeder Godts weest mijns ghedachtich. ick meyne om dat Christus hen van alle perijckel ende quetsen niet behoedt ende bezijt en heeft/ dat hy daer om tot zijnen moeder heeft willen loopen om een pleyster te haelen/ ende dewijle die Spaensche natie seer oncupsch ende op vrouwen verslingert zijn/ ende die ionghe dochters weten te becouden nae haeren lust/ so meynen sy by auontueren dat die maget ende moeder Gods door vrouwenlijcke affectie van sefs gegenen sy om hem te helpē/ so seer yselijcke verblint is die Spaensche natie.

Den vijſden October alst licht werde/ soo scheent als dat sy van Sinte Pancraes wagens met crancken/ gewonden ende andere bogagie geladen wederom wech voerden/ gheconuoyeert zijnde met sommighe rotte voetknechten. Donsen voorwaer/ om dat der vyandē armeye dagelijck verminderde/ so rustē sy haer toe om door die binnenste boom met sommige schepen trinhuys in te nemen/ daer die vyant zijn wacht in hadde/ maer als die Spangiaert bemerct hadde/ dat die schepen hier toe gheruſt worden en die boom geopent worde/ so heeft hy een deel rotten vande synen met schuyten aen dander cant ouergeset by dien wacht tontset gesonde/ en als donse dit vernamen/ hebben sy dien aanslach naeghelaten. Na den middach zijn onse Soldaten



Soldatē van het Monicken bolwerck wtgevallen en een schuyt vol beuts vanden vyanden genomen/wercker somme bedroech ouer de 200. gulden.

Daechs daer aen zyn wt die schans van Crabbedam twee Huyfsluyden snachts vy wtghegaen spaceren tot Berghen toe om yets wat te verne- men/ende so sy onder weghe geen wacht van vyanden gesien hadden/zyn tot Alcmæer toe gecomen/ ontbootschappende dat sy op dier plaetse gheen vyanden inden tweden oft derden wacht gevonden hadden/maer int crie- ken vanden dach hebben wy vanden vesten ghesien den vyant wacht hou- den op die Schermer Ton met ontrent anderhalf hondert sterc/hier en vo- uen zyn der naemaels wt die hutten vā Oudtdorp veel wt comen druppen/ by den welcken voort aen is by gecomen een bende Huyfsters/die daer voor by den stadt met sommige rot knechten nae Berghen trocken/ daeromme heeft goet gedocht by aduys der Cappiteynen ende staet van Alcmæer/ als dactmen die twee voorgenoemde Huyfsluyden in bewaerder hant setten/ souden ouermids datter op haer een groot vermoede was van eenich be- droech. Onse Soldaten zyn voort aen met schuytkens wt de stadt getrocken om die verlaten schans des Spangiaerden by de Hoode tooren te besichti- gen/ende hebben aldaer van daen sommige beut ghehaelt/insgelijc by de Wiesche poort donsen wt gevallen zynde/ hebben van daer spiersen/ storm- hoeden ende sommige roeren gehaelt/maer oock die stormbrug/den wel- den den vyant by den Hoode tooren achter heeft moete laeten/heeftmen bin- nen stede gehaelt/ om als tot een eewich ghedachtenis voor alle naecome- lingen te behouden. Ghelijc als gisteren en eergisteren die Spangiaerts vant doordt endt aen den brant gesteken hadden in Coedijcker huysen/al- so hebben sy oock aldaer voort aen ende oock t Scozel seer voortghevaren om al op te branden/ ende dat by auontueren om gheen ander oorsaecke/ dan om dat sy donsen niets laeten soude behouden/ ende de Huyfsluyden eenmael alsoo beropt maecten souden/dat sy niet meer schattingen souden mogen opbrengen. Certeynelich die Burgers ende Soldaten waeren ge- sint om den Spangiaerts te verhinderen brant te stichten/maer twas hac- helijc/mits datter so weynich Garnisoen inden stadt lach/ dat soo donsen op die tocht geslagen mochten worden/ die vyant door sulckdanighen oor- saeck den stadt ouervallen mochte/ welck voortwaer oock een lefsel ghe- weest is/waeromme wy oock niet eenich gheschut den Spangiaerts ont- weldiget hebben/maer wy en connen niet genoegh bedencke wat die Gar- nisoenen die inde schansen inde dorpe rontsom na by lagen/ verlet heeft ge- hadt waerom sy sulc niet bestaen en hebben.

Den seunden October en sachmen so veel schuytkens ofte wagens niet vaeren/ als voormaels/noch oock so groote menichte van volck herwer- ende derwerfts trecken in der vyanden legers/snachts ooc warenden wey- nich schutwachten by den stadt ghestelt/ die daer als nu by lichten daghe

¶ 5

door der



Vande Belegeringhe

door der vyanden wacht inden stadt ghecomen was / vertelde dat donsen  
tscheep met die van Amsterdam gevochten hadden / en dewijle onse par-  
tij een schip verlooren hadden / dat sy daerom alle danderen opgeleyt had-  
den / voort dat alle Waterlanders na die wijse van die van Alcaer bet ge-  
moet en getroost hun tegē den vyant stelden / en dat sy bereyt waren lieuer  
den hals te wagen / dan dat sy soude comen inden vyandē handen / dat oock  
onder den vyant van oude ervaeren crichsluyde gheseyt worde / als dat sy  
noyt voor dese tijt so ysselijck en grooten storm voor een stadt gesien had-  
den / als donsen geweest sy / datter ooc in dien gebleuen waeren 14. hondert  
man / ende onder desen twee vrome ende vernaemde hophuyden. Waer of  
deene in Scuerwijck en dander in Amsterdam seer heerlich begraven was.

Den achsten dach vander selfder maent inden morgenfont sachmen alle  
die Spangiaerts met een van Sudtdorp naer Berghen vertrecken / dewij-  
le sy nu snachts te voozen die twee stucke geschuts onder die meel moelen  
woch gevoert hadden. Die knechten die den hindertocht hadden / zyn ten  
laesten wt haer schans (die sy by den meel moelen hadden) verrocken / en  
hebben een wijltjts met donse Soldaten schermutselinghe ghehouden /  
daer naer soo als donsen daer op aenvielen / zyn na de haeren heen gewee-  
ken / also dat als die vyandt een wijltjts by Huyweert stal gehouden had-  
de / soo hrest hy ten laesten gants alle zyn armeye die daer ghelegert hadde  
geweest aende Noort cant nae Bergen toe wech gevoert / hier en tusschen /  
so daer eenige cruyppers wt der stadt getrocken waeren / nae dat sy Sudt-  
dorp leech gevonden hebben gehad van Spangiaerts / so als daer na noch  
meerder knechten toe quamen / die van die ghelpe ende andere onser sche-  
pen / so alst nu veylich waer / aldaer by een vergaerde hebben buytē adujs  
des ouerhepts van Alcaer dat seer oudt vernaemde dozp van Sudtdorp  
verbzant / ende weynich tijts daer na hebben sy insgelijck Huyweert gants  
afgebzant / also is het beleg van Alcaer geeyndiget geweest / na dattet se-  
uen weeken lanck geduert hadde / twelcken oock den Spangiaerts bouen  
alle haer sware groote costen / ende schaeden is tot eeuwige verroijt ende  
schande. Want wat isser leelijcker ende scandelijcker dan dat alle dat gants  
sche gewelt / macht / ende cracht der Spangiaerden so lange gelegen heeft  
voor sulcke eenen leege ende onversiene stadt van volck / sonder yet sonder-  
linck daer op te winnen / lieuer wat sal haer meerder conē beschamen / dan  
dat tegen so yselicken / soo swaren / en so langduerigen storm voor een stadt /  
iae die kinderen / ende ionge dochteren so moetelick / ende stoutelijck tegen  
geset hebben / Namentlick also set Godt ter neer ende verblacut den hoo-  
moet ende opgeblasenheyt van sulckdanige hoochertichste natie. Dewijle  
hy hun tot een spot maect sulck eenē onachtige ende onverwaeren crichs-  
volck / en van ionge dochteren laet vertreden en verpletten / ende van vrou-  
wen laet vergusen ende bescheppen / daer en tegen den stadt van Alcaer /  
al hoe



alhoe wel sy by sommige cleyn geacht ende verwoopen zy / bouen eens yegelycks hoope ende meyninghe niet soo heuchelijcke victorie ende so vernaeinde triumphhe hemel hooch verheerlijct ende groot gemaect heeft / alsoe datse met alle eeren onder die hoofsteden van Hollant met recht gerekent mach worden. Tselfde / segge ick / is onsen Godt alleen toe te schrijven / dat onse Politijche regiment van die moerwillige ende onuerdazelijcke tyrannie der Spangiaerden beoyt / ende die Christelike Gemeente van die onheylige valsche Godsdiensten gesuyuert ende gereyniget zy. Die selfde Godt sal nae zyn Vaderlike goedertierenheyt ende goedicheyt onsen gebeden daer in oock verhoozen / als dat die stadt van Alcmæer / gelijck sy menige iaeren te voozen die supere leere des Euangeliums onder weynige en waere vromen int heymelijck en int doncker met alle stantuaesticheyt en volstandicheyt behouden heeft / dat al daer voor de Christelike Gemeente een plaetse ende woninge eeuwelijck behouden bliuen sal tot prijs ende eere van zynen heylighen naeme / Amen.





## Een Register vande gantse armeye/ die welke

den stadt van Alcaer belegerd hadde

Anno 1575.

**D**on Frederico a Toledo/ opperste Veltheer. Myn heere van Roir-  
carmen/ Luytenant. Gonsalvus de Brackamonte/ Cornet. Petro de  
Velasco. Petro de Toledo. Myn heere van Soigny. Stephano Dyvaro/  
Pallesfmeester vā Don Frederico. Myn heere de la Motte/ artalacymee-  
ster. Behaluen dese van den Spaenschen adel en Donnen seer menige / die  
t Soudorp hadden an die vier hondert paerden. Aldaer in dat dorp waren  
gelegert die oude ervarenste Spangiaerden tweendeertich vendelen starc/  
daer en bouen noch acht vaendelen van die vaendels die nu cortelick versch-  
aengecomen waren tot Italien tot vervollinge van darmeye/ die daer wa-  
ren van tseepe volck/ waer mede Don Jan de Austria den Turck geslegen  
hadde. Hier en bouen noch anderhalf hondert ruyters van die lijf wacht  
van Don Frederico.

Te Hupsweert was gelegert don Fernando a Toledo/ cousyn van don  
Frederico/ die daer als scholt hadde onder hem acht vaendelen Spang-  
iaers/ die cortelick tot Italien ouer gecomen waren / als voormaels geseyt  
is/ die vijf en twintich vaendelen starck geweest hadden/ wel vol genouch/  
vander welcken elcke vaendel bycants twee hondert starck geacht worde.

Te Sinte Pancraes hadde Polwoyler syn leger met ses vaendelen / by  
den welcken oock lagen vijf vaendelen van myn heere de Bily / Souuer-  
neur van Groningen.

Te Coedijck was ghelogeert die Baroen de Liques / Souuerneur van  
Haerlem/ ofte synen luytenant/ die daer onder hem hadde twalf vaendelen.  
Ende int selfde dorp lach de Baroen van Cheureaulx met acht vaendelen  
Burgonsche knechten.

Te Bergen lach myn heere de Capres met thien vaendelen Nederlant-  
sche Waelen.

Inde Rieuppoort lagen thien vendelen Spangiaerden: daer beneuen oock  
Ioziaen Fronsbergh ouerste van twalf vaendelen wel gemonteerde Duyts-  
schen: daer en bouen Ottho Graef van Euersteyn met drie vaendelen.

In alles hebbender geweest hondert ende enentwintich vaendelen / die  
men voort eerste seyt vooz Alcaer gecomen te zijn/ vande welke de som-  
mige naemaels geboert zijn nae Schellinckwouder schans ende d'Amster-  
damsche vloot. Souen dit ghetal heester noch gheweest twee vendelen lichte  
ruyters/ diemen gemeynelick gebruyct op schermutselingen/ ende een ven-  
de Duytsche ruyters onder Ioziaen Schenck.

Een



Een nieuw Liedeken vant beleg der stede van Alkmaer/  
 Opte wisse vanden dach voor Sinte Quintyn/ Ofte/ Ich  
 hoorde een maechdeken singen met/ 7.

**A**ls men schreef duysent bijshondert  
 En dize en tseuentich iaer  
 Mocht elck wel zijn verwondert  
 Al bande Spaensche schaer  
 Sy quamen wt gestreken  
 Hondert twintich baendel sterck  
 Voor Alkmaer soot is gebleken  
 Als tyrannen sy gingen te werck.

Naer Coedijck sy eerst passeerden  
 Den Wytsche poozt hebben sy beset  
 Voor den sluyt men haer eerst heerden.  
 Haer passagie was daer belet  
 Oer tbelte quamen sy loopen  
 Als leeuwen en beesten verwoet.  
 Met hoy en strop sy hoopen  
 Maecten sy een wech met spoot.

Men sach doen mede trecken  
 Wten spypoort veel Spangiaers gelijck  
 Sy pasten op wallen noch hercken  
 Sy breefden geen water noch sijck  
 Sy sagen nae haer voordel  
 Den Rijnmolens namen sy in  
 Alst bleek naer smenschen oordel  
 Was den burgers niet van haer sin.

Die burgers ende soldaten  
 Sy werden tflamen betaen  
 Sy wilden daer niet by laten  
 Een tocht hebben sy gedaen  
 Te water en te lande  
 Wielen sy dapperlick aen  
 En cregen die molens aen brande  
 Maer een huys dat bleef noch staen.

Die Spangiaers maecten een walle  
 Om thyns met aller macht  
 Die burgers en soldaten alle  
 Arbeyden oock dach en nacht  
 Sy maecten den stadt vaste  
 Daert noch seer was van noodt  
 Wpten Tyran sy niet en paste  
 Als hy den stadt by eyschten bloot.

Met was den Spangiaers groote spijte  
 Dat sy cregen geen gehoor  
 Sy achten den stadt niet een myte  
 Ter sy daer quamen booz  
 Daer zijn niet in dan baeren  
 Maecten sy malkander wijs  
 Woorlopers en meer sulche loeren  
 Sy souden wel behalen prijs.

Tgrof geschut ghingen sy stellen  
 Voor den Rooden tooren en Wytsche poozt  
 Sy meenden al mede te bellen  
 En dan te bedriuen haer moozt  
 Maer die Heere der heerscharen  
 Wiens macht haer te bouen gaet  
 Conde den stadt wel bewaren  
 En beschermen van sulcher quaet.

Daechs naer sinte Lambert seer brogen  
 Begonsten die Spangiaers boozwaer  
 Te schieten naer al haer vermoegen  
 Met twintich grof schucken swaer  
 Ontrent twee duysent schoden  
 Seer beerdich met groot geschal  
 Sy spaerden cruyt noch cloten  
 Om te breken muert en wal.

Tgeniel anders dan sy waende  
 Al viel den muert daer neer  
 Die wal die bleef noch staende  
 Met alle den bozst geweer  
 Die burgers ghingent maken  
 Metten knechten en menich brow  
 Veel eerder dan syt braken  
 Die Spangiaers cregen een groote tou.

Naer Middach ten drie vien  
 In haer oorden stonden sy radt  
 En quamen al totten mueren  
 Om te beskopmen den stadt  
 Met ghinch doen op een bechten  
 Aen twee plaetst tseffens ghelijck  
 Mannen, vrouwen en laefknechten  
 Sy werden haer boom arm ende rijck.

By de Wytsche poozt en Roo tooren  
 Wast dat sy sloymden dus strang  
 En geduerde wel wilt hoozen  
 Stijf bier dalf vien lang  
 Tot drie mael toe sy leyden  
 Versch volck aen en aff  
 En schoten noch sonder verbeyden  
 Met haer grof schut euen straf.

Dit mocht haer noch al niet baten  
 Sy moesten af wijcken met schande  
 Veel volck hebben sy ghelaten  
 Capiteyns, Waendjagers menigherhande  
 Die daer sochten den boozboyten  
 Cregen betaling ongespaert  
 Don Frederick sachse wel slopten  
 Vanden wal af nederwaert.

Roet



*ms. 12*  
*al. 12*  
Noch quamen die Spangiaers beemeten  
Doen den storm opt kercke was  
Maer schuyten naer den southeren  
Om die toernallen ras  
Maer sy cregen sulcke ruymen  
Men schotender inne terkont  
Maer schuyten moesten sy ruymen  
Twee traecten daer inden gront.

Wpten Geest sy mede stonden  
Ten storme wel toe gerust  
Aende brug hooft mijn vermonden  
Is al haer moet gebult  
Wie daer by quam moest blifuen  
Soo wel waren sy onthaelt  
Sy en conden niet bedijuen  
Al haren anlach is gelaet.

Daer nae twas Saterdaghe  
Doen hielden sy haer so stil  
Sy deden tocht noch aenslaghe  
Sy maecten oock gheen geschil  
Men condt anders niet giften  
Oft sy lasen al den dach  
Digelsten ofte sielmillen  
Woos den gebleuenen inden slach

Die Spangiaers ouer traden  
Den Sondach met boos bestier  
Om te verhalen haer schaden  
Acht hondert mael sy gauen byer  
En quamen ooc ten percke  
Om weder te stormen sel  
Den brug quam niet te wercke  
Sy werden geschoten heel rebel

Een Capitoyen quam aen blieden  
Om den brug te dwingen boort  
Hy smeet die arme lieden  
En doopsackse heel verhoort

Het buerde niet seer langhe  
Syn leuen nam oock een ende  
Sy mochten al wel zijn bang  
Die den brugge quamen ontrent.

Die burgers toonde couragie  
Die knechten waren wel gemoet  
Die vrouwen met haer coackerie  
Werwachten haer aencomste met spoet  
Die meyshons ende knapen  
Het was al aende best  
Wel boozien met S. Steuens wapen  
Elck wilde doen syn best.

Sy en doosten niet aen comen  
Theeft haer niet wel behaecht  
Sy sagen den burgers bromen  
Sy cregen herten verlaecht  
Die windt die haer was mede  
Die heeft hem omgedraet  
Gods handt was metten stede  
Syn lof moet zijn verheft

Hoe souden wy u niet louen  
O alder heeten heer  
Aen ons die waren vershouen  
Hebt ghy verheft v eer  
Ghy hebt willen behooren  
Die crachteloos waren geacht  
En die op haer selfs banwen  
Zijn gevallen met al haer pracht.

Lof Princelike Vader  
Lof Heere gebenedide  
Wy danken v alle gader  
Dat ghy ons hebt bezijde  
Als wy waren seuen weken  
Omringt met groot geweld  
Ghy hebt ons niet beswerken  
Die hant moest ruymen veld.



